

Dinfwngz Dajdiz Hungzliengz

□ Godoq comz hoiz



▲Dajdiz.



▲Giz dajdiz.

◀Goengfou gaeuq, diet hai va.

Dinfwngz dajdiz Hungzliengz dwg cungj dinfwngz ndawbiengz Bouxcuengh daengx ranz swncienz haenx, cienzlah youq ranghdieg Lungzanh Yen Yengyangh Cin Hungzliengz Cunh, baengh cojcoeng daih dam daih swncienz roengzdaeuj yaek ndaej 200 bi nanz, vunz ndawbiengz heuh aen cunh neix guh "aen cunh canghdajdiz".

Hungzliengz Cunh Bouxcuengh aeu fwngez dajdiz dwg cungj cauwhuh yungh fwngez youz daengx ranz cojcienz haenx, guh ok doenghyienh diet gak cungj gak yiengh cungj miz haujlai, ndawde gijdaeuz dwg hongdawz dajndaem iq, hongdawz ranzyungh iq caeuq gij doenghyienh lingzgen boiq gihgi hung lumj dohlahgih, diuceh daengi, canjbinj diz ndaej youh dei youh maenh, ce gyoet ndaej ngamj, doenghyienh diet ndongj youh naihyungh, gij cax bakcax nyangq youh rae, cizlieng ndei dangqmaz.

Gijdaeuz mbaek gonqlaeng caeuq fuengfap dajdiz miz sam aen fuengmienh. Daih'it, diz diet, veh yiengh. Yaek diz baenz maz doxgaiq ne, dawz gaiqgang roxnaeuz gaiqdiet coq haeuj ndaw lozfeiz baeu daengz oq le dawz okdaeuj diz mbaeng bae, liuxle coq gwnz banjdieth veh yienghdoz, aeu aengvej(fagsuucqamx) gvej(camx) ok gaiqyiengh, liuxle caiq coq ndaw lozfeiz baeu hoengz le dawz ok, aeu fagcuizdiz diz, diz ndei liux caiq coih baenz yiengh, cieplaeng dawz hwnj sahlwnz, muz lwenq bae. Daihngaih, hawj de gyoet ndei. Aeu siengfung beiz rum haeuj ndaw

lozfeiz bae hawj feiz bauj oq, dawz gij gaiqdiet muz ndei haenx cap haeuj ndaw feizoq bae, caj gaiqdiet bienq hoengz ndei le aeu faggimz nep hwnjdaeuj, (beijgangj diz cax) dawz bakcax coq haeuj ndaw raemx bae, dangeiz couh cazyawj, langh bakcax hau lai, couh dwg gaiqdiet ndongj lai, yungh couh deng vangq ngaih lai, heu lai couh dwg unq lai, yungh couh

mbwnj ngaih lai. Daihsam, aeu caxdauz dauz gaiqdiet wenj bae, couh guhbaenz gienh doxgaiq ngamjndei lo.

Bi 2010, Dinfwngz dajdiz Hungzliengz ginggvaq Gvangjsih Bouxcuengh Swcigih Yinzminz Cwngfuj doengzeiq, ndaej lied haeuj daihsam buek swcigih gaep feihvuzciz vwnzva yizcanj mingzloeg.



▲ Canghdajdiz geq hix rengz dangqmaz.



▲Foux 《Hungzliengz Dajdiz》.



▲Doxgaiq diet.



▲ Dinfwngz dajdiz daz-yinx gicej daeuj ingjgoep.



▲Song boux doxboiq, diet hai va.



▲Gvanbaz dajdiz.



▲Doxgaiq diet diz baenz haenx.